

# সূর্য

প্রিন্ট: ২৪ মে ২০২৫, ০৯:৩৬ এএম

## শিক্ষাঙ্গন

শেকুবিতে কুরআন প্রতিযোগিতা

# শিবিরের কুরআন প্রতিযোগিতায় পুরস্কার পেলেন খ্রিস্টান শিক্ষার্থী



শেকুবি প্রতিনিধি

প্রকাশ: ২৩ মে ২০২৫, ১১:০৪ পিএম



ইসলামী ছাত্রশিবির শেরেবাংলা কৃষি বিশ্ববিদ্যালয় (শেকুবি) শাখা আয়োজিত আল-কুরআন ও ইসলামি জ্ঞান প্রতিযোগিতা ২০২৫-এ অংশ নিয়ে পুরস্কার পেয়েছেন খ্রিস্টান ধর্মাবলম্বী শিক্ষার্থী পাভেল রোজারিও।

বৃহস্পতিবার বিশ্ববিদ্যালয়ের এম মহবুবুজ্জামান অ্যাকাডেমিক ভবনের সেমিনার রুমে ‘একুশ শতকের চ্যালেঞ্জ ও যুব মানস’ শীর্ষক বিশেষ সেমিনার ও পুরস্কার বিতরণ অনুষ্ঠানের আয়োজন করা হয়। এ সময় তার হাতে পুরস্কার তুলে দেন ইসলামী ছাত্রশিবিরের প্রকাশনা সম্পাদক আবু সাদিক কয়েম।

রমজান মাসকে কেন্দ্র করে ৩১ মার্চ তিন ক্যাটাগরিতে আল-কুরআন ও ইসলামি জ্ঞান প্রতিযোগিতার আয়োজন করে শেকুবি শাখা ছাত্রশিবির। এতে ছেলে ও মেয়েসহ মোট ২১ জনকে পুরস্কৃত করা হয়। অমুসলিম ক্যাটাগরিতেও প্রতিযোগিতার সুযোগ ছিল, যার সিলেবাসে নির্ধারিত ছিল দুটি বই। এই অমুসলিম ক্যাটাগরিতেই বিজয়ী হয়েছেন পাভেল।

পাভেল বলেন, শিবির যে ভিন্ন ধর্মাবলম্বীদের পুরস্কৃত করে তা আমার জানা ছিল না। আমি প্রতিযোগিতার পোস্ট দেখে সেখানে অংশ নিই। এরকম একটা পুরস্কার পাব চিন্তা করিনি। পুরস্কার পেয়ে ভালো লাগছে।

অনুষ্ঠানে আলোচক হিসাবে উপস্থিত ছিলেন- অ্যাকাডেমি-২১ এর চেয়ারম্যান, লেখক ও গবেষক জিয়াউল হক।

প্রধান অতিথি ছিলেন ইসলামী ছাত্রশিবিরের প্রকাশনা সম্পাদক এবং বিশেষ অতিথি ছিলেন ঢাকা মহানগর পশ্চিম শাখা ছাত্রশিবিরের সভাপতি এইচএম সালাহউদ্দিন মাহমুদ।

